



GRADONAČELNIK

Broj: *27-322/25*
Srebrenik, 10.03.2025. godine

Na osnovu člana 5. Odluke o korištenju javnih površina („Službeni glasnik Općine Srebrenik“, broj: 4/09, 2/12, 2/14 i 3/16) Gradonačelnik r a s p i s u j e :

KONKURS

za prikupljanje ponuda za zakup javnih površina radi postavljanja ljetnih bašti u ulici Alije Izetbegovića u Srebreniku

I PREDMET KONKURSA

Predmet konkursa je prikupljanje javnih ponuda za zakup javnih površina radi postavljanja 3 (tri) ljetne bašte sezonskog karaktera u pješačkoj ulici Alije Izetbegovića u Srebreniku, kako slijedi:

1. Lokacija broj 3., lijevo od ulaza u pješačku zonu, prva u produžetku zgrade „P+4/14“, dimenzija 8,7 x 3,5m, površine 30,45 m², na kojoj je planirano postavljanje stolova ljetne bašte sezonskog karaktera.
2. Lokacija broj 4., lijevo od ulaza u pješačku zonu, druga u produžetku zgrade „P+4/14“, dimenzija 8,7 x 3,5m, površine 30,45 m², na kojoj je planirano postavljanje stolova ljetne bašte sezonskog karaktera.
3. Lokacija broj 5., lijevo od ulaza u pješačku zonu, treća u produžetku zgrade „P+4/14“, dimenzija 8,7 x 3,5m, površine 30,45 m², na kojoj je planirano postavljanje stolova ljetne bašte sezonskog karaktera.

Predmetne lokacije se daju u zakup na period od 6 mjeseci, tj. april - septembar 2025. godine.

II NAKNADE

Najniža ponuđena cijena naknade za zakup javne površine radi postavljanja ljetnih bašti ne može biti manja od 5,00 KM/m² ljetne bašte za 1 (jedan) mjesec.

III OBAVEZE ZAKUPCA

Obaveze zakupaca koji steknu pravo postavljanja ljetnih bašti na predmetnim lokacijama su slijedeće:

- da u roku od 7 dana od dana pravosnažnosti rješenja o provedenom konkursu izvrše uplatu cjelokupnog iznosa zakupa postignutog na konkursu, umanjenog za iznos depozita, te da sa Gradonačelnikom u roku od 15 dana od dana provedenog konkursa, zaključe ugovore o korištenju javne površine,





- da obezbijede minimalno-tehničke uslove za obavljanje djelatnosti ugostiteljstva, kao što su sanitarni čvor, šank i sl. u nekom od obližnjih poslovnih prostora,
- da usaglase izgled ljetnih bašti sa nadležnom službom po pitanju izgleda i materijala stolova i stolica, vrste suncobrana.

IV KRITERIJ ZA VREDNOVANJE PONUDA

Prilikom vrednovanja ponuda od strane konkursne Komisije, kao najpovoljnija ponuda za postavljanje privremenih ljetnih bašta vrednovat će se ona ponuda čija ponudena cijena zakupnine bude najveća.

V USLOVI KONKURSA

Na konkursu za postavljanje otvorenih ljetnih bašti mogu učestvovati sva pravna i fizička lica – obrtnici registrovani za obavljanje ugostiteljske djelatnosti.

Prijave na Konkurs se podnose pismenim putem na posebnom obrascu i moraju sadržavati sljedeće:

- Ponudu za učešće na konkursu sa ponuđenom cijenom mjesečne zakupnine,
- Rješenje o odobrenju za rad (za fizička lica-ugostitelje), koje izdaje Služba za poduzetništvo, lokalni razvoj i investicije Grada Srebrenik,
- Aktuelni izvod iz sudskog registra (za pravna lica), izdat nakon objavljivanja predmetnog konkursa,
- Rješenje o utvrđivanju minimalno tehničkih i drugih uslova za obavljanje ugostiteljske djelatnosti, koje izdaje Služba za poduzetništvo, lokalni razvoj i investicije Grada Srebrenik (za pravna lica),
- Potvrda da je ugostitelj aktivan, odnosno, da isti nije prestao sa radom, izdata nakon objavljivanja predmetnog konkursa, a koju izdaje Služba za poduzetništvo, lokalni razvoj i investicije Grada Srebrenik (za fizička lica – ugostitelje),
- Dokaz da ima minimalno 2 uposlena radnika što dokazuje listom osiguranih lica koji izdaje Porezna uprava FBiH,
- Dokaz da u krugu od 30 m učesnik predmetnog konkursa ima minimalno-tehničke uslove za obavljanje ugostiteljske djelatnosti u vlastitom ili iznajmljenom poslovnom prostoru (rješenje o minimalno-tehničkim uslovima i ugovor o zakupu ako je isti iznajmljen),
- Izjavu ovjerenu od strane nadležnog organa da će zakupac prihvatiti sve uslove vezane za izgled ljetne bašte propisane od strane nadležne Službe, u skladu sa planom zauzimanja javnih površina u ulici Alije Izetbegovića koje će biti sastavni dio konkursa i ugovora,
- Izvod iz Registra novčanih kazni izdat nakon objavljivanja predmetnog konkursa (zauzimanje javnih površina u postupku javnog nadmetanja – licitacije, neće se odobriti pravnom ili fizičkom licu– ugostitelju ako su isti registrovani u Registru novčanih kazni),
- Potvrdu o uplati depozita na račun Grada Srebrenik u iznosu od 100,00 KM,
- Ovlaštenje za zastupanje na javnom nadmetanju ukoliko se radi o pravnom licu, te punomoć za fizička lica-ugostitelje u slučaju kada nisu lično prisutni.

NAPOMENA: Naprijed traženu dokumentaciju učesnici javnog konkursa obavezni su dostaviti u originalu ili ovjerenoj kopiji.





Ukoliko zainteresovani zakupci žele da učestvuju u nadmetanju za obje lokacije navedene pod tačkom I. ovog konkursa, obavezni su uplatiti depozit i podnijeti prijavu sa ponudom za svaku lokaciju pojedinačno. Plaćanje depozita izvršiti na račun Grada broj: 132150 029 928 0097, vrsta prihoda 722-463 ili na blagajni Grada Srebrenik.

Zakupcima koji ne dobiju u zakup lokacije koje su predmet licitacije, vraća se uplaćeni depozit.

Obrazac za prijem na konkurs i obrazac ponude za učešće na konkursu se može preuzeti u prostorijama Službe za prostorno uređenje i zaštitu okolice grada Srebrenik, uz predočenje uplate depozita u naprijed navedenom iznosu.

Prijavu na konkurs treba dostaviti u zatvorenoj koverti na adresu: Grad Srebrenik, Stručna služba Gradonačelnika, ul.Ibrahima Salihovića, 75350 Srebrenik, putem pošte ili na šalteru pisarnice Grada Srebrenik, sa naznakom "ne otvaraj – konkurs za ljetne bašte", najkasnije do 28.03.2025. godine.

VI OSTALI USLOVI

Datum otvaranje ponuda odredit će Komisija imenovana od strane Gradskog vijeća Srebrenik koja će provesti postupak konkursa, o čemu će ponuđači biti blagovremeno obaviješteni.

Lica koja steknu pravo na postavljanje predmetnih ljetnih bašti, a naknadno odustanu, gube pravo na povrat depozita.

Podrobnije informacije o lokacijama mogu se dobiti svakim radnim danom u prostorijama Službe za prostorno uređenje i zaštitu okolice grada Srebrenik od 7,30-16 sati.

Konkurs će biti objavljen na web stranici Grada, jednim dnevnim novinama, oglasnoj ploči Grada Srebrenik kao i putem radija Srebrenik.

Nepotpune i neblagovremene prijave će biti odbačene.

GRADONAČELNIK
Adnan Bjelić



GRAFIČKI PRILOG

LOKACIJA LJETNIH BAŠTI

